



ԲԱԶՄԱՎԷՊ

Զ. ՏԱՐԻ. ԹԻԻ 12.

1848

ՅՈՒՆԻՍԻ 15.

ԲԱՐՈՅԱԿԱՆ

ՅԵՏԻՆ ԽՕՍԲ

ԱՌ ԱՒԱՐՏԱՎԱՐԺ ՀԱՄԲԱԿՍ ՌԱՖԱՅԷԼԵԱՆ ՎԱՐԺԱՐԱՆԻՆ
ՅՈՒՂԱՐԿԵԼՈՎ, ԶՆՈՍԱ Ի ՀԱՅՐԵՆԻՍ

Բ.

Լ՛ԵՐԿ ահաւասիկ արձակեալք դուք
'ի վարժարանէս, մանկունք հրահան-
գեալք, վերացեալք 'ի նաւ, դարձա-
ւորք 'ի հայրենիս: Արանան հեռանան
թաղչին սահմանք զեօթն ամ ծրա-
դրեալք զձեօք. փայտ անհիմն և ան-
յարկ տատանեալ 'ի լուծական դաշտին
բարձեալ կրէ զձեզ, և ծուխ յափշտա-
կեալ տանի ընդ ոլորտս որք մերձենան և
հեռանան: Լ՛հաւաղիկ մտէք 'ի նոր վի-
ճակ, 'ի նոր կեանս. արդ ասացէք ինձ,
սիրելիք, զի՞նչ է զոր յառաջ քան զա-
մենայն գտէք նովաւ. զծովդ շրջա-
սփիւռ, զերկիրնս համապարփակ, զօգս
ընդարձակագոյնս. այդոքիկ ոչ զբռամբ
ածեալք և ոչ ըղձիւք ըղձացեալք: Զիք

ինչ տակաւին նոր արտաբոյ, սակայն է
իմն զոր գտէք. ամփոփեցիք 'ի ձեզ ին-
քեանս և զտղիք նոր զոմն 'ի ձեզ: Լ՛յո՛,
առաջին որում հանդիպեցիք մեկնեալք
աստի՛ լիջիք դուք ինքնին, անձն իւրա-
քանչիւր. արձակեալք 'ի հոգածու ձե-
ռաց և յազդողական ձայնից նոցա՝ ա-
զատութիւն իմն և համարձակութիւն
հանգոյն անծայրածաւալ հորիզոնիդ՝
կարծիցէք 'ի ձեռս բերել, օդ իմն ներ-
քին լցուցէ ամբարձցէ զկուրծս ձեր:
Վիտակցութիւն և եթ լիցի ձեզ և
քննիչ և դատաւոր. 'ի սակաւ աւուրս
ծանիջիք փոքր 'ի շատէ զձեզ և զչափ
զօրութեան ձերոյ. և որպէս ձագք նո-
ւափեալք զառաջին թռչնսն փորձե-

լով՝ հիացեալ կացըիք : Կիրք որ 'ի ձեզ ցարդ կառավարեալք և օտարին ձեռամբ, այժմ միայնակ 'ի ձեզ ապաստան արասցեն զերասանակոն : () 'ն, սկիզբն արարէք յայնժամ յիշելոյ զօրէնս բարոյականս, թէ որպէս արժան իցէ մարդոյ վարել առանձինն, և զիւր կեանս տնտեսել : զորս 'ի կամաց սանձել, որոց թուլացուցանել, և դարձեալ որպէս կենցաղավարել ընդ ընկերս : Վանդի ընդ ձեզ գտըիք և զառաջին ժողով ընկերութեան, 'ի նոյն ինքն 'ի խումբ ձեր, որոց ընդարձակեալ կապ եղբայրութեան լուծմամբդ յաշակերտակցութենէ՝ զընկերութեան առցէ կերպարանս . այլ և նոր դէմք և նոր վարք նաւազինդ և ուղեկցաց՝ լիցին ձեզ նախափորձ իմն աշխարհի յոր մրտանիցէք ընդ հուս :

Եւ խարհ . անուն և իրք զարմանալի . յորմէ հեռաբնակք իբրեւ զափամբք քերէիք ցայսօր, այսուհետեւ 'ի խորս խաղայցէք . թաւոր ընդհանրական, յորում ամենայն մարդ հանդիսանայ, ուր ամենայն ձայնք լին, ուր ամենայն կիրք նշաւակին, ուր ամենայն ոք և տեսանէ և տեսանի : Վանի տարօրինակք և խառն 'ի խուռն առաջի լինիցին ձեզ և բարք և խօսք . և որքան նորանոր խորհուրդք և ցնորք և իղձք և կարծիք 'ի սիրտս ձեր . և որպէս 'ի սուղ ժամանակի բազումք յայդցանէ մեծապէս աւճումն առնուցուն : () 'ի գործիցէք, որպէս վարիցիք յայնժամ : Եկայք աղէ, և մինչդեռ կայ տակաւին ժամանակ 'ի ձեռս ձեր, յորժամ պարապ տան ձեզ երկարութիւնք տուրնջեան 'ի սաղապաւ ձեմ ծովագնացութեանդ, և յորժամ ընդ հանդարտել բնութեան յերեկորին պահու՝ հանդարտեսցի և ձերդ բնութիւն, և քաջանկատ գործիցին և աչք և միտք, և լրջութիւն իմն ոչ անխառն յանուշակ մեղամաղձոյ տարածեսցի զձեօք, յամբառնալ անդ զիշերավար սողոխին, և 'ի յամբաբայլ յառաջել լուսաւորաց երկնից յիւրաքանչիւր խորանս, 'ի պշնուլ ձեր յերկար ընդ արեգականդ գունտ ծովասոյդ, և

ընդ երկայնակօս ձիւնադէզ փրփուրսն շարամանեալս փոսփորեան և եսպերեան լուսովք . յայնպիսումն պահու առջիք խորհել 'ի վերայ հանդերձեալ կենաց ձերոց . օրինակ իմն, որպէս վաճառական յառաջատես մինչև հասեալ 'ի նաւակայս՝ զիւրոց վաճառուց տնտեսելով և բաժանելով զշահս և զհնարս շահուցն համարելով . կամ որպէս մայր նախահոգակ որ 'ի խաղաղացուցանել անդ զքաղցր թմբուլութիւն մանկանն՝ յեցուցեալ և զիւր պուխ 'ի սնարս հոմաշարժ և քաղցրաձուին, որորանին՝ խորհի զապագայ կեանս և զվիճակ սիրանունդ զաւակին, և երազէ նմա բաղդս կամ պայմանս, կամ ոչ գտեալ ելի աղաքս 'ի հնարս խորհրդոցն՝ փոքր մի տրտմի և փոքր մի անդէն արգահատի . այսպէս և ձեր ճակատ եղեալ 'ի կողս լայնորորան նաւափայտիդ՝ խոկասըիք զվերստին մուտ ձեր յաշխարհ . դիջիք յանդիման իւրաքանչիւր զվաճառս արդեանց զոր աստի բարձէք, և իւրաքանչիւր զբարս բնութեան իւրոյ, և զանհուն կերպարանս, զճանապարհս և զարկածս աշխարհի՝ որչափ ինչ կարէք ճանաչել զայն մինչև քաջ տեսեալ : Եւ, ծով մեծ է աշխարհ, սիրելիք, և ամենայն հողմոց արձակարան . ուր և նաւք մեծամեծք վտանգին, ուր բազում անգամ և իմաստունք զգլխեալ յորձանապտոյտ լինին . ուր տեսաք և զառաքինիս՝ ղեկակորոյս դանդաչեալս . իսկ դուք նաւակք զաղփաղփունք զինչ լինիցիք . — ոչ ինչ հասցէ ձեզ վտանգ, եթէ զաշարժութիւն, զիմաստութիւն և զերկիւղն Եստուծոյ անմեկին ունիցիք :

Եւ արդ թափեսցուք 'ի ձէնջ զլըրջական մտայածութիւնս, յորոց կարծեմ ոչ առանց օգտի սթափիք, և թողցուք զձեզ հետազօտել անձկաւ զհայրենական ափունսդ : Եւ զթուիմ և ես բացուստ 'ի բաց նշմարել զձեզ ընդ Վարդանեան կիրճն անցանելով, ընդ հիւս աչաց յեղյեղել զյիշատակս Փետտեայ և զԳլխաւորն, զեղենական քաջառնութիւնսն և զՎսեբքսեայ գոռո-

զուլթիւնս , և որոճել քաղցրանալով զանցս պատմութեան . կարծեմ թէ և թարգմանչացն մերոց երթն 'ի Վիզանդիոն խառնին 'ի խօսս ձեր , և ընդ բաղդ նոցա և ընդ ձեր զուգակշիռս ինչ գործիցէք : Ս'ինչ այս մինչ այն ընդ Պրոպոնտեան և ընդ Սոփորոնի մը խեղալ գեղաժիծաղ մկանունս՝ սահաքնաց յառաջէք . սիրտ 'ի վեր ընթանայ 'ի ձեզ 'ի տեսիլ կղզեկացն (Յունաց , և խփեալ ընթերցասիրաց 'ի ձէնջ զմատենիկս քերդուածոց՝ ամենեքին կարօտանօք հայիք ընդ փախստական լիւկրադայս՝ որք նորս առաջի ածեն ձեզ ետ զետէ , և արձակին ծայրք դալարազուարճք հայրենական հողոյն : Վրակք բոլորակք զգեցեալք զամենայն պայծառութիւն գեղեցիկ ամենանս՝ խտղտեն զաչս ձեր . հոտ ինչ նուրբ և անոյշ զմայլեցոյց զձեզ , և հառաչեցէք ընդ ծաղկաձեմ՝ դաշտակս ամարանոցաց մանկութեան ձերոյ : Եւ ահա տեսանեմ զձեզ յախորժակ իմն ջերմիս սարսուռ՝ 'ի պաղպաղունս նաւուն վերամբարձեալ յոտն 'ի մասն ուս 'ի յուս յեռեալ , շեշտակի բբօք պշնուլ և արտաքս կոչել յոլորտիցն զՎիզանդիոն . արդէն ոմանք 'ի ձէնջ սրակն ինկեւք արգոնաւիդ՝ նշմարեցին 'ի կուրծս հորիզոնին գոգ իմն սևորակ արտաքսագոյն , որ տակաւ պարզեալ և կերպացեալ՝ ճշմարտեաց զբարբառ գոյմանդ , իհա՛ Ստամպոլ , հասա՛ք հասա՛ք . և 'ի նոյն բարբառ կայթս հարեալ առ հասարակ կարծեցէք տեսանել զոր տակաւին ոչն տեսանէիք . մինչև օթանդակեալ ձեզ երագասահ նաւուդ յանդիման կացոյց զգարմանալի քաղաքն 'ի բնութենէ և յարուեստէ , զշաղկապ կրկին ծովուց և ցամաքաց , և կրկին քաղաքավարութեանց : Սկեսարն արքունական տարածեաց զոտս իւր 'ի կոնք Սոփորոնի . անսաղարթ նաւակոյտն մայրևոր անկաւ վարագոյր դիմաց քաղաքին . կապարապատ գմբէթքն վառեալ յարեգական ճաճանչից շող հարին յաչս ձեր . լուսինք սրածայրք 'ի գլխոց աշտարակաց մզկիթաց 'ի վեր ալ

բարձան , և երկայնադէզ մնայլ նոճիք նկարեցին ձեզ զկեանս և զմահ բնութեան . զեռալ սկսաւ սրակտուց նաւակնեարն որպէս ջուլիւ ձկանց 'ի խռան մեծամեծ կիտից՝ 'ի միջոցս անդ լայնագոգ նաւուց . կարմիր գդակունքն երեւցան : Իայց յանկարծոյն այս ամենայն լուծաւ բբաւ յաչաց ձերոց ընդ յետնոյ ծխային շնոյ նաւուդ . և միայն անքթիթ ակնկառոյց կայք 'ի մարդիկն որ 'ի նաւահանգստին և որ 'ի նաւակն . որոնեալ խնդրէք զցանկալի ծանօթս ձեր . և ահա նշմարեցին ոմանք , արտասուք ծնան յաչս , և ձեռք առաքեցին զնախկին ողջոյնս . և ահա յապուրակի հողովեալք 'ի նաւէդ յակատս թափիք , 'ի ցամաք վազէք , ոտս տրոփէք , հերձանէք զամբօխն , դիմէք առ գիրկն դիմեալս առ ձեզ , և կամիք յիրար խառնելով . . .

Եւ օն անդր , 'ի զատ կացէք , և մինչև փարեալ գրկապինդ՝ տեսէք միանգամ զոյս ոմանս գտանէք անդ : Իհա՛ աղիկ հարք ձեր սիրելիք . տեսէք քաջ , նոյնք իսկ են . այլ եօթնամեայ ժամանակի ներգործեալ 'ի նոսա և ծանրացուցեալ է զգլուխս . շուք ծերութեանկեալ է 'ի հայրենի ալիս . որպէս 'ի ձայն աւետեաց ծննդեան ձերոյ՝ գան և այսօր ընդունել զնորածին կեանս իւրեանց , գտանել զսիրելի սերունդ իւրեանց . այլ որպէս : Իան խնդրել որդիս առաքինիս , օգնականս ժրագլուխս , անձինս կրթեալս . աղէ տուք խոստումն աներկբայ՝ կատարելոյ զիղձս նոցա , ապա թէ փարեցարուք , և ընկալարուք զցօղ աչաց նոցա 'ի ճակատս ձեր . ո՛հ , օրհնութիւն երկնից խառնեալ է 'ի կայլակսն յայնոսիկ :

Ո՞ր գտանէք և առննթեր հարցդ : Իհա՛ աղիկ հարազատքն ձեր ժիրք և եռանդունք՝ որք յարձակին 'ի լանջս ձեր . ահաւասիկ և ծանօթքն ձեր և կարևոր բարեկամք . եկեալ են և նոքա խնդրել 'ի ձեզ եղբարս քաջուամունս և քաջակիրթս քան զինքեանս . բարեկամս՝ քաղցրութիւն ընկերութեանց , պարծանս տան և ազգի : Եւ տուք և

դոյա ձեռն չհանելոյ 'ի դերև զակնկալութիւն նոցա :

Օ՞ն գտանէք և մեկուսի ընդ որմովքն դադարեալ անժուժաբար, սքողեալ 'ի սեաւ և 'ի սպիտակ : Բ՛հաւասիկ մարք ձեր բարեպաշտիկք, ո՞րքացեալք 'ի հօրէ պատանեակք կիսասուգք . տեսէք քանի՜ ծնելական աղեխարչութեամբ սրտատրուիք ելեալ եկեալ են ընդ առաջ աղեացդ իւրեանց . հայեցարուք 'ի դէմն քաղցուենիս և կողկողեալս, և անդէն իմանայք զինչ ակն ունին նոքա 'ի ձէնջ . հապա իմասցին և նոքա անդէն՝ զի յայսմ հետեարդիւնք և վարձք քրտանց ձերոց լինելոց են փոխարէնք կենացն զոր էտուն նոքա ձեզ վտանգաւ անձանց իւրեանց . դանձարան ձեր լինիցի գոգ մայրենի, և մի հանդանակք վայրապար ծախուց և հեշտի զբօսանայ :

Օ՞ն գտանէք և յամբօխ բազմութեանդ, յոր միւիք և յածիք : Վոքա են ահաւաղիկ յոքնադէմ դերասանք համաթատեր աշխարհիս այսորիկ, ընդ որս հարկ է ձեզ 'ի մօտոյ կամ 'ի հեռուստ հանդիսակից լինել : Բ՛հա աստանօր պիտին ձեզ օձանքն զոր երբեմն 'ի կողս նաւուդ մենացեալ անձանց պարմայէիք . աստանօր բանին ձեզ ասպարէզք նահատակութեան, և բացցին օր ըստ օրէ որչափ մտանէք յրնկերութիւնս և շրջիք յաշխարհի . արդ մտէք, չիք փախուստ և թաքուստ, արդ նահատակեցարուք, արդ քաջացարուք, արդ իմաստութեամբ կենցաղակից լերուք մարդկան . առ ոմանս մերձենալով, յոմանց հրաժարելով, ոմանց օրինակ տալով՝ յայլոց ընդունելով, յոմանց վարժելով և զոմանս խրատելով, և ամենազան ընդ ամենեսին վարելով, ամենեցուն զպարտուպատշաճն հատուցանելով . ումեմն զպատիւ, այլում զխոնարհութիւն, այլում ունկնդրութիւն, միւսոյն զերախտիս, այլ ումեմն զօգնականութիւն : Եւ տակաւ ըստ պահանջելոյ հասակիդ և պաշտամանդ՝ լինել ընտիր քաղաքացիս, ընկերս աննախանձս, գործակիցս արթունս, արբանեակ հլու և հաւա-

տարիմ, դպիր աշալուրջ, վաճառական անխարդախ, կրպակաւոր անարծաթասէր, վարժապետ յառաջացուցիչ և ազգակիրթ, տեսուչ անաչառ, կաճառակից անհակառակ, գահադուխ լըջամիտ, բանագիր զգոյշ, դատաւոր արդար, բարեկամ մտերիմ՝ 'ի բարիս, տէր քաղցր և զթասէր, ընտանի հաւատար, տանուտէր տնարար, և մատաղասնկոցն զիւրեաւ վերընծիւղելոց օրինակ բարի 'ի զգօնութեան և յաստուածպաշտութեան :

Բ՛հաւասիկ, սիրելիք, գիւտք ձեր 'ի հայրենիս՝ յոր դառնայք : Բայց ես տեսանեմ զձեզ մեծաւ անձկութեամբ վառեալս 'ի գիւտ և այլոյ իմիք, և յօժարական առ նա յաւէտ ըղերձել զայսքան ամաց ջանս ձեր : Հայեցարուք և անդէն գտանիցէք . ահաւաղիկ նա մերձ կայ ձեզ 'ի հեռուստ անտի . ահա նա գեղեցիկ և տխրոյժ, փառաւոր անփառունակ, վիրաւոր առոյգ, սովամահ կենդանի, կարօտ և բաւական : Պատառեսցուք զքօղն . ահաւասիկ ձեզ աշխարհ ձեր հայաստան . . . : Հայաստան . յայդ տեսիլ, յայդ անուն, յայդ յիշատակ, ո՞ր 'ի ձէնջ անթրունդ կայ սիրտ 'ի ծոցի . եթէ չզգաց որ տակաւին խլրտին յերակունս յանուն ազգի, յանուն հայրենեաց՝ տեսցէ մի գուցէ քար արաստոյ կրիցէ փոխանակ սրտի . թող ելցէ մերժեսցի այնպիսին յատենէս, յազգէս, 'ի բնաւ իսկ 'ի մարդկանէ, յանտառս յանապատս 'ի սառամանիս դիցէ զբոյն իւր : Փոխանակ նորա մատիցեն ինձ այսր ամենայն առաքինի որդիք հայկայ, որ զազգասիրութեան համաշխարհական առաքինութիւնս պատուեն, և ազգասիրութեամբն զմարդկութիւն, մարդկութեամբն զհաստիչն մարդկան . նոքա եկեսցեն այսր՝ որք գիտեն յերկինս զհնոց հայրենասէր շանթից :

Օ հայաստան գտեալ, ո՞ն սիրելիք, զինչ ոչ պարտիցիք նմա : Սիրէք զնա . և այս բաւական է ուսուցանել ձեզ ըզփոխարէն . . . Եւ մի որ ինձ աստանօր 'ի խժդան և յախորտի խոչ ընդ

ասն կալով՝ վայրապար խելս խառնիցէ ,
 և յանուն վառելոյ հայրենասիրութե
 որպէս վարսամահար բանդադուշեալ
 հաղ քան զհաղ ոգի կլանիցէ և ձորձ
 ընդ ականջ պնդիցէ՝ որպէս թէ յու
 րաստ կալով՝ ի գայթակղութենէ . և
 զինչ կամիցի կիսախեւք մորոսիկդ .
 զայն , զի ամենայն ազգաց գուցեն և
 հայոց միայն չգուցեն ազգ և հայրենիք .
 և զինչ . մի թէ ամենայն ազգք ունիցին
 սիրտ զգալոյ զգերբնականն զայն , զա
 մենաբնականն զայն , զհոգեխառն զա
 իւն ազգասիրութեան , և հայք միայն
 զգայազիրկք լինիցին . կամ թէ ամենե
 ցուն նոցա իցէ իշխանութիւն ճառել
 զայնմանէ և բորբոքել զանձինս և զըն
 կերս , և հայոյն և եթ դատապարտե
 ցաւ բերան ի լուծիւն : Վ՛հ , թողէք
 անդր ի բաց զվատութեան և զխմա
 րութեան բարբառնմունսդ . քարասիրտ
 է որ չգգայ զազգասիրութիւն , անմիտ
 է որ ազգասիրութիւն կարծէ զզորդ
 մունս , զվտարանջութիւնս , զբարձրա
 վըզութիւնս և զպատերազմունս . վա
 տասիրտ է՝ որ զամենայն եռանդն ազ
 ցասիրութեան աւելազանց վարկանի :
 Վ՛յլ մեզ զի բնաւ պիտոյ լսել քա
 րասրտաց և փայտամտաց մարդկան .
 թողցուք նոցա զինքեանս . և մեք վա
 ռեսցուք ի հուր ազգասիրութեան ի
 խոհականն և ի խաղաղական . էն էն և
 խռովութեանց մեզ պէտք , այլ առ ի
 յուզել զընդարմացեալ ոգիս մեր , պա
 տերազմունս պիտոյ է՝ ընդդէմ կաշկան
 դիչ մուր կարծեաց , ապստամբութի
 ի տգիտութենէ և ի չարութենէ որ
 տանին զմեզ ի խորխորատս անելս . յա
 րուցմունս՝ առ ի թօթափել զսերմանս
 անկրթութեան յոգւոց մերոց , առ ի
 պատել զվէրս եկեղեցւոյ , ի զօրացու
 ցանել զոգիս մեր լքեալս և կոխեալս :
 Վ՛ջգասիրութիւն . այո՛ այո՛ պէտք են
 մեզ ազգասիրութեան , զոր համօրէնս
 աշխարհ կարդայ և զգենու . իսկ եթէ
 ոմանք զեղծանիցին այնու և թիւ
 րիցեն , պարտ ինչ իցէ վասն այնորիկ
 ողջախոհացն լսել և դադարել , և ոչ
 մանաւանդ բարձրագոյնս քան զնոսս

գոչել , զի ուղղութիւնն հաստատեսցի
 և մոլորութեանն որոմն հերքեսցի : Վ՛հ ,
 եթէ յերկիւղ խղճի մտաց ապաստան
 և յակնածութիւն այսքանոյ սուրբ և
 վսեմատենի , արժան իցէ երբեք բար
 ձրացուցանել զձայն և ինձ , որ որքան
 յաւակնելոյ և անձահ ազգասիրութե
 ատեցող , նոյնքան և իրաւացւոյն սիրող
 եմ և պաշտող և քարող , այս իցէ թե
 րևս ժամ և տեղի : Վ՛յլ իցէն արդեօք
 որ զայս և զայսպիսիս իմ առեալ ձայնս՝
 ստգիւտ և զայթակղութիւն արկանի
 ցեն . ի դատաստան կոչեմ զնոսա ազ
 գաց և իրաւանց , կրօնից և երկնից .
 չեմ խռովիչ , չեմ յահուր յարուցիչ ,
 չեմ հուր մոլեկան . քաջ միտ դիցեն բա
 նիցս որոց առողջ են ականջք . այլ զգր
 տութիւն և զանդգայութիւն ի վէրս
 և ի պէտս ազգիս՝ յաւիտեան չառնում
 յանձն . եթէ առաւելազանց ինչ եր
 բէք խօսեցայ և փնասցի հայրենեաց՝
 թող կապեսցեն արկեցեն զիս ի ծծմբա
 հոտ վիհս Վասեաց , անդ քաւեցից զա
 ռաւել սիրոյն իմոյ մեղանս : Վ՛յլ ես
 սիրեմ և առաւել սիրեմ զհայաստան
 հայրենիսն իմ , և զնոյն սէր անխիղճ
 քարոզեմ ամենեցուն , և ասեմ . Պարտք
 են ձեզ որդիք հայկայ ճանաչել զինչ
 են հայրենիք , և որպիսի ձերդ . և իմ
 իմիք կարօտ , և դուք որով ձեռնհասք
 նմա յօգուտ . սիրել զազգս հայոց ա
 ռաւել քան զայլս յազգաց , որպէս զան
 ձրն քան զայլոց անձինս . ճանաչել և
 պահել անվթար զսեփական շնորհս ազ
 գիս , զէզու նորա , զպատմութիւն նո
 րա , զսովորութիւն և զախորժակս նո
 րա անփնասս , զհարազատ դպրութիւն
 նորա , զստացուածս նորա և զփառս ա
 նունս նորա : Օ այսպիսի կամիմ հայ
 րենասիրութիւն , և ի սմին վառել զա
 մենեսին , որպէս զի ստասցուք մեզ սիրտ
 կանգուն՝ զոր սրբութիւն և հայրենա
 սիրութիւն միայն տան մարդոյ , և կան
 գուն սրտիւ ընթացցուք ի կատարելու
 թիւն ազգի և մարդկութեան , և կա
 տարեալ մարդկութեամբ ելցուք յաշ
 խարհէ : Վ՛յս է իմ ճանապարհ և նպա
 տակ . և ոչ փառամոլաց և կենցաղասի

րաց և խռովասէր անձանց մեծամեծ և փքալից տէնչանք , այլ և ոչ խժբիծք մեռտիք զոր յաչաղկոտքն կարկատեն 'ի պարսաքարել զիս :

Իսկ եթէ ուղիղ դատի իմն ազգասիրութիւն՝ հրաւեր կարդամ ամենեցուն իմոց ազգակցաց , քաւ 'ի թմբերոց անզգայից , կղկղանօք աշխարհիս զմայլելոց՝ դիւրաթարշաճն փառօք և խոշոր հեշտութեամբ , և ամենայն ազնուական մտաց անհասից և անխնդրաց . որք , քստմնիմ յասել , ոչ միայն յայսոսիկ անկղիտանան , այլ և բերին 'ի չարն և 'ի փնաս իւրեանց ազգակցաց . այլ ես ազգասիրաց և ճշմարիտ ազգասիրաց ձայն տամ , 'ի բուռն առնուլ յառաջ քան զամենայն զմիշտ քարոզեալն և զմիշտ կարօտեալն զմիութիւն . միութիւն սրբտի՝ 'ի ջնս լաւութեան , միութիւն խորհրդոյ՝ 'ի յառաջացումն կենցաղօգուտ գործոց , միութիւն ձեռին 'ի համալստակ գործառնութիւն , միութիւն հանգանակի 'ի սատար ազգախնամ գործոց , միութիւն ծանօթութեան 'ի կառնոր գիտութիւնս :

Իհաւազիկ և ձեզ , սիրելիք իմ , որք քնայք և խառնիք արդ 'ի հայաստան , գիւտ մեծ և կարեւոր . ջերմն աւանդ սրտի իմոց և ատենիս և ամենայն ազգասիրաց , յորում անդուլ վաստակիցիք ձերովսանն . ոչինչ քան զկար ձեր աւելի պահանջեմք , այլ և ոչ պակաս քան ըզնոյն : Իսլ գիտեմ զտազնապ մտաց ազգասիրացդ , և մորմոքիմ և խոցիմ ընդ ցաւսդ . խիթայք 'ի հակառակութեանց և 'ի վտանգաց : Իսլ դուք մի վերջանայք յառաջարկեալ բարւոյդ և մի վրհատիք . վտանգօք և դժուարութեամբ յաջողին փառաւորնահաստակութիւնք . արիութիւն տռաջին օրէնք են հայրենասիրութեան . 'ի վատարտութենէ 'ի բազում չարիս կործանեցաւ ազգս մեր և հանապազօր 'ի նոյն տառապի . զամենեալն հաւանեցուցանել և միաբանել՝ ոչ միայն 'ի հայս այլ և ընդ երկնիւք յանհարիցն է . իսկ 'ի տես հակառակութեան ոմանց՝ յետսնհան ջել՝ այն վատաց գործ է և չփութաց .

ատեցէք զչարն , և վառեցարուք 'ի բարին , խնայեցէք 'ի չարահնարսն ցորչափներեն գութք . դուք զամենայն գուն գործեցէք . եթէ յաջողիք՝ ահա հասէք որում ըղձայիքն , և եթէ չյաջողէք՝ համայն և այնպէս յաջողեալ էք 'ի հայրենասիրութե : Իսպքինացարուք դուք միայն 'ի գործս հայրենասէրս , և մի մընայցէ անուն ձեր ծածկեալ յերկրի՝ ցորչափ կայցէ վէմ մի 'ի լերինա հայոց , և ձեռն մի որ գիտիցէ գրել զանուն եղբօր իւրոյ :

Այ ինչ են ինձ պէտք յիշեցուցանելոյ ձեզ զարարս քաջաց նախնեաց և զօտարազնեայց . աւանիկ արձանացեալ կայ առաջի աչաց մերոց և քահանայապետն մեծ , թարգման երկնից և Վրիստոսի երեսփոխան , որոյ անուն համառօտեաց զոլորտս երկրի առ համբաւ , և շունչ՝ վառեաց զաշխարհ հայրենասիրութեամբ , յեղակարծումն վեհագոյն քան զգրուանեանն արտակիտելով զյոտալիս որպէս նոր զոմն Իթենաս , և մանաւանդ սրբելով զհուր հայրենասիրութեան երկնախարոյկ հրով , և մատնանիշ առնելով մեզ զպանչելիսն Իստուծոյ որ ուրեք ուրեք այնու գործեցան . և տարորոշելով յայնմանէ ըզխակագործութիւնս երկրաքար զմարդկան՝ որք յանուն նորա պատկառելի և յանուն Իստուծոյ երեքսրբենին՝ պատրուակել հնարին զիւրեանց վայրապար , զոխալ և զանբարի հայրենասիրութիւնս : Իսլ մեզ տուեալ են միտք՝ ընտիր առնելոյ ընդ գործս . անիւ շարժէ զմեքենայս և անօթս բազումս . եթէ կապիցես ընդ այն և անօթ չար և զէն փնասու , դու ինքն ես փնասուն պատճառ , և ոչ անիւն որ աղայցէ քեզ զցորեան հացիդ . եթէ առ 'ի կարճել զբռնաւ զամենայն գայթակղութիւն զգուշալի էր 'ի գործոց՝ կարծեմ եթէ յանապատս միայն կատարելին բազում առաքինութիւնք : Իմենեքին ունին աչս , այլ են և կոյրք , են և բլաւկունք , են և քաջատեւք . 'ի քաջատեւացն դասուէ կամիմ ես զազգասէրսն իմ . որպէս զի տեսցեն զի և երկինք պատուեն զազ-

գասիրութիւն . քանզի որ ետ մարդոյ իրաւունս պաշտպանութեան անձին և ընչից և պատուոյ , զիարդ զլանայր և զիրաւունս ազգասիրութեան :

Բայց զի մի ըստ չափ երկարիցեմք յիղձս և 'ի բանս , թէպէտեւ 'ի կարեօրս , առ այլ ևս և 'ի յետին ձեր փութասցուք գիւտ , ո՛ր սիրելիք . 'ի գիւտ այնպիսւոյ՝ որում յառաջ քան զամենայն և միշտ և հանապազ արժան է փափագել : Եւ ընդ միջոց իղձք ազգասիրականք ամբարձցեն զձեզ մինչև 'ի կատար Սասեաց , կայ ձեզ աստանօր ինդրելի բարձրագոյն և անդրագոյն քան զայն : Հայրենիք են և այն , այո՛ւ պզտու և հասարակաց հայրենիք , զոր ոչ գետք բաժանեն և ոչ սահմանք տրոհեն , ոչ լեզուք խտրեն և ոչ բարք զանազանեն . այլ մի բնութիւն և մի օրէնք են այնց հայրենեաց : Իմբարձէք զգլուխս ձեր , հայեցարուք ընդ երկինս . ո՛վ ո՛րպէս գեղեցիկք են կամարք 'ի յաւիտենից ձգեալք զմեօք , ո՛րպէս սքանչելիք են ճանապարհք արեգականդ , և աստղականաւ խորհուրդք իաղաղական գիշերաց . սակայն այդ ամենայն զոր տեսանէք՝ տակաւին յետնակողմն և եթէ 'ի վեր 'ի վեր ևս ամբարձէք զաչս հաւատոյ , և տեսլիք զբուն իսկ զսքանչելի զտուն և զտաճար պատրաստեալ 'ի սկզբանէ աշխարհի վասն առաքինեաց մարդկան և զուարթնոց , յորոց միջի անցեալ բազմի ինքն իսկ ամենաթաղաւորն Բսողած , և տայ ամենեցուն ճանաչել զիսկն բնութիւն մարդկութեանս , զօրէնս սիրոյ որ զամենայն շողկապէ , և զիւրն իսկ ամենահրաշ հուծիւն : Ինչդ են , անդ , ո՛ր սիրելիք , ամենայն վարձք վաստակոց մերոց . անդ քրտունք մեր և արտասուք ձեր , անդ ձայն մեր և ունկնդրութիւն ձեր , անդ հառաչանք մեր և համբերութիւն եօթնամեայ նշդեհութեանդ ձերոյ : Իմենայն ինչ խափանի , վատնի , վախճան առնու աստանօր , և կիրք և ցանկութիւնք մարդկան , և մեծութիւն և նուաստութիւն , նաև գիտութիւնք իսկ , նա և հայրենասիրութիւն իսկ , բաց յառա-

քինականէն . մի ինչ է միայն որ անդրաւազեալ անցանէ ընդ ոլորտս երկրի և ընդ աւերակս բնութեան . Բարեպաշտութիւն , ո՛ր սիրելիք , բարեպաշտութիւն և եթ . Ի՞նչ է մարդն ամենեւին , :

Սա լիցի և ձեզ գլուխ ըղձալեաց , ընդ որում ոչ փոխանակեալիք և ոչ մի ինչ . այլ , ո՛հ , և զհայրենիս անգամ , եթէ հարկ ինչ այնպէս լինէր ապախտ առնել 'ի գիւտ սորա , ես ինքն փութացուցանէի զձեզ զոհել և զհայրենիս . ես ինքն համարձակեալ կորզէի և տայի ձեզ զջահսն եթերականս՝ հուր հարուլ խանձել զհայաստան և ծխով նորին որպէս զհրեշտակն գէղեղմեան վերանալ 'ի յերկինս : Եւ լիցին ձեզ սիրելիք , յաւիտենական օրէնքն Բստուծոյ՝ զոր խորագոյն քան զբնաւս ուսմանց ջանացան դաստիարակք ձեր տրպաւորել 'ի միտս ձեր . վկայութիւն տամ այսօր ընդ խիղձս ձեր և ընդ մեր և ընդ ատեանս և ընդ երկինս . զի առայդ հեղաք մեք զյօրովագոյն քրտունս և դուք զարտասուս , առ այդ զջերմագոյնան ամբարձաք իղձս , առ այս զդառնագոյն կրեցաք վիշտս և մեք և դուք . քաւ 'ի ձէնջ այսքան ջանից անփոյթ լինել երբէք . քաւ 'ի ձէնջ , ո՛վ քաղցր աղիք հոգւոց մերոց , մոռանալ ձեզ զհոգիս ձեր թաթաւեալս աստուածային արեամբ , և պղծալից մարմնոյ կամաց արբանեկել : Բազում անգամ ուսուցաք , պատուիրեցաք , խրատեցաք . արդ 'ի յետին հասեալ պահուս լինելոյ մեր ընդ ձեզ , 'ի ծանրախօս և յանմոռանալի պահուս՝ զհետ որոյ ոչ գայ այլ պահ , և ոչ ևս ազդի ձեզ ձայն յաթուոյ աստի , 'ի պահուս՝ յորում և ես տրուպս 'ի դաստիարակաց ձերոց լի տագնապաւ համարիմ՝ զյետին զիմ պարտս հատուցանել ձեզ սիրտ 'ի բերան առեալ , 'ի վսեմական պահուս՝ յորում ըստ տիրաւանդ կտակին լուծանեմք զձեզ յաշակերտութեանն իտնարհ անուանէ և 'ի հաւատարութիւն Բարեկամութեան վերակոչեմք , յայսմ սոսկալի և 'ի հրաժարական պահուս՝

յողոք իսկ անկեալ աղերս արկանեմ ձեզ, և նովին տէրունական սարսափելի բանիւք՝ երերապին շրթամբքս և համալրդով սրտիւս երդմնեցուցանեմ ըզձեզ. յթէ սիրէք զմեզ՝ սիրեսցիք զերկինս և զաշխարհ: Եւ իհարկէ՝ ձեզ, ո՛վ երկինք, առէք ընկեցէք ի կայծակունս յաւիտեանական կրակի աստուածային վառարանին զմուրհակ քրտանց վաստակոց մերոց յաշակերտեալ մեզ մանկտիդ. աճիւնասցի ամենայն. մի ինչ մնասցէ մեզ այսի վարձ, բայց միայն ամբողջս և անապականս պահեցէք ըզհոգիս սոցա մեզ յերկինս. և այս միայն յետին մուրհակ ուխտիցս կացցէ ի դիւանս Եստուծոյ:

Եւ առաջիկ ձեզ, ո՛ր բարեկամք մեր սիրելիք, կնիք յետին և բռնագոյն բանից և ըղձից իմոց, նոյնք և ատենիս այսորիկ, որովք արձակեմք զձեզ արդ յերկրաւոր հայրենիսդ, և ակն ունիմք հանդիպել ձեզ յերկնաւորան, և անդ լուծանել զկնիքս զայս: () Եւ այս՝ որ թերեւս ինձ և բազմաց ի մէջ անընդմէջ յաջորդիցէ յաւիտեանականին աւուր՝ առ միւսանդամն զմիմեանս տեւողութիւն, օրս այս մի մուսացի ի մէջ ի սպառ: () Եւ արիք արդ, ելէք, եկայք առնուլ ի մէջ զգրաւական ուխտիցս զոր դնեմք այսօր ընդ ձեզ, զպրտուղս սրտից մերոց քան զոր չունիմք պատուականագոյն ինչ յերկրի ընծայել ձեզ ունին. ընկալարուք զաստուածաձիր օրհնութիւն սրբազնեալ Հայրապետիս, և զմիմունջ աղօթիկեր արգոյ Հարանցդ, զսրտալիր մաղթանս զաստիարակաց ձերոց, և զհամօրէն ժողովոյս և զընկերակցացդ զսիրային դրուատս և հրաժարական ձայնս խանդաղակալ. և յընդունելն ձեր զտախն ցուցէք զձեզ արժանիս սիրոյն գորովոյ՝ որով յուղարկեմք զձեզ աստի, և արժանիս յուսոյն՝ որով միան ձեզ անդ հայրենիք, և երկինք ի վերոյ: Եւ երբեք և զուք սիրով և յուսով. մի մեղիցեն ձեզ խռովութիւնք ազգաց և մի բռնութիւնք տարերաց. օրհնեալ լիջիք դուք յերկնից և յերկրէ:

կրէ. կարկառեացի ձեզ ի բարձանց հաշտարար նիզակ երկնախորանս Հայկայ՝ պուղելով զմերս մրկաց. յօշատեսցեն ձեզ բազուկք յահագնի զնրհանգս և զընդդայս դարանակալս ծովուց. շնչեսցեն ձեզ խաղաղութիւն օդոց սուրբք հայրենիք, և մանաւանդ հեղաճեմն կուսանակ Եստուծոյ առջնորդեսցէ ձեզ անվտանգ. և աջ անմահ Երարչին հովանացի ձեզ ի դադալթանց անհասական աթոռոցն մինչև յաւիտեանս:

* Եւ դու ինձ ո՛վ միշտ զարմանալեաց հրաշակաւոյց, և անծանօթից ի մահացուաց դէտ շաւղաց, անմահդ նախախնամութիւն. որ հզօրագունին լուկոյ անդիմադարձ որ ի մեզն ըղձաւետ կրից՝ ողջամբ հասուցեր զաւանդք սրտիցս առ անձկացեալսն իւրեանց ծոցս, զայլովքն ապախտ արարեալ զիմովք կամամտածական հնարագիտութեք. որով փանաքիմացս՝ ամենիմաստնոյդ յանդիման իմն առնէի դէմս և դիտմունս ճանապարհաց գնացից. և կըշտամբել քո զիս մարդասիրապէս կամեցեալ ընդ Եդումէական նահապետին, եթէ ոչ է և թռչնոց մտաց զքոյին ճանաչել ճանապարհ և ոչ աչաց անգեղաց զքեզ հետազօտել, զգար ի դար ծածանմունս թուրատարր դաշտին ի կուռ փոխանակեցեր ցամաքագնաց պողոտայ, և զքօսաւիւնս ամայութեանց տամուկ անապատին՝ ի շառաչիւնս շինանիստ երդումարդաց, և Սպիտակափառն փոխան ծիծաղախիտ ծովուն՝ ընդ Եւքսիներայ մրրայօն կոհակս սահարկեալ խաղացուցեր՝ համայն ի նոյն ժամանեցուցանելով ի կէտ նախանկատ. և զկենցաղոյս այսպէս զբազմայեղյէզ արկածից և զվշտաշատն տառապանաց առաջնաճաշակս ընծայեցեր համբակացն. արդեօք զի և փորձագոյնս ընդ քրայս վշտացն յաւելուածոյ՝ հատուցես զնոսա քեզն նուիրողաց, ընկալ ուրեմն քեզ ի հաճութեան ձօնի և զայս ամօրեայ տաղտապկոտ յոյգք սրտիցս թալացելոց

ընդ տարուբերեալ օյտմունս երկայնայածուկ ճանապարհին՝ ընդ որ մին դիմէր 'ի հայրենիս և միւսս յղարկէր, երկաքանչիւր հաւասարք յանձկութեւ։ Ընդ և ընդ դժնդակագոյնսն քան զնոսին, ո՛հ ո՛հ, ընդ բազմալտանդ օձաձև կենցաղոյս բաւիղս, դու ինքն, այսուհետեւ անցուցեալ զնոսա աղաչեմ, 'ի միակն յայն հուսկ ապա յարահետն 'ի քո կառուսցես երկնաշու պողոտայ, որ միայն գիտէ հանել 'ի հանգիստ զհոգիս հիւծեալս 'ի դարձադարձ դեզերմանց հովտիս լալօնից։

Հ. Ղ. Ս

Բան. Աղեւծեան Զարուբեան։

Ընդ մեկնիմք, ահա կորզիմք 'ի հայրենի ձեր գրկաց, և երբ խօսեսցուք եթէ այլ ևս աղիւտեալ կացցեն բերանք. ահա հասին մեր յետին ժամք. փոքր միւս ևս և այլ չկայ մեզ վայելել 'ի տեսութիւն ձեր, և դեռ զսպեալ արգելցին սիրտք 'ի յանձուկ ծոցի. օն ժամէ տեղի տալ անզուսպ կրից սրտի, զի խիստ է սրտի ընկլուզելոյ յանդունդըս բարեաց ժուժալ լուել 'ի սպառ։ Ի՞նչպէս աղկաղիկ շրթունք զինչ զօրեացն թարգման կալ ներքին մարդոյն, սակայն լաւ է թոթովել ինչ քան լուռ կալ ամենեւին։

Ըստ իսկ լցուցին զմեզ, ով հարբ, առ 'ի ձէնջ զեղեալ տարափք երախտեաց. շատ իսկ 'ի հայրսիննամ սրտիցդ բղխեցին մեզ սահանք հայրագորով սիրոյ։ Ի՞նչ ոչ գտաք երկիր հիւթեղ բեղմնաւոր՝ փոխարինել հարիւրապատիկ տոհմականօք զառ 'ի ձէնջ մեզ շռաւայլեալ զանինայ վաստակս և բրտունս, սակայն կրեմք անշուշտ սիրտ հայրասէր որդեկաց, որ ոչ ապախտ առնեն և զդոյզն ինչ նիշ հայրագութ ձեր սիրոյ։

Երեցէք անժոյժ զարմանացս, ով հարբ որդեսէրք. զինչ զձեզ շարժէ յայսչափ սէր և գութ առ օտարս որդիացեալս ձեզ. զի ոչ նպաստէ ձեզ յայս բնածին գորով աղեաց ծնողի. զինչ այլ քան թէ վեմաւառաքինութիւն անձնեղ կերպարանեալ 'ի ձեզ, և իղձք ազգասէրք որով, ով հարբ հայրենեաց, իբրեւ տանուտեարք մեծի ընտանեաց, ոչ այլ ինչ հոգայք և երկնէք բայց միայն զօգուտ ազգիս։ Երանի մեզ, որ միայն արժանի գտաք 'ի միջոյ համօրէն ազգիս՝ տեսութեան հասարակաց հարցդ մերոց, և 'ի մօտոյ գգուեալ 'ի ձէնջ մարթիմք դոյզն բանիւ մատուցանել ձեզ զերախտապարտ շնորհակալիս մեր։ Եւ շատ է մեզ՝ երանելի զանձինս վարկանել զամենայն աւուրս մեր, և որոց 'ի հեռաստանէ 'ի համբաւոյ ծանուցեալ ըզձեզ գովութիւն հարկանիցեն ձեզ, պանծալ բարձրագլուխ թէ մեք առ ոտս նոցա սնաք և յար 'ի տեսութիւն նոցա վայելեցաք։

Եւ քեզ մանաւանդ, ով հայր հարց մերոց, քեզ առաւել քան այլ ումեք սիրտք մեր սիրայեղցք շնորհապարտ ճանաչեն զանձինս, որ կորզեալ զմեզ 'ի հայրենի գրկաց, մանաւանդ թէ յայլ փոխադրեալ ծոց հայրենի հասուցեր զմեզ յայս երանութիւն, և շնորհունիմք զեղեցիկ բաղդին որ դարձեալ հայր կարգեաց մեզ զքեզ, և արդ արժանի գտանիմք ընդունել 'ի քէն զյետին օրհնութիւնդ։ Եւ քեզ երբեմն գրտեալ հայր որդեսէր՝ փոփեցաք ընդ բաժանին 'ի ծնողաց. արդ ո՞ մեզ միութար ընդ անջատումնս 'ի նմին բաղքը հօրէ հարց մերոց։

1 Աստղանիշտ այս բան ակնարկէ 'ի դէպս ուղեորութեան մանկուայն 'ի Թրեւոն քաղաքէ 'ի Վեննա ընդ ցամաք, և անտի ապա դանուբեան շոգեհաւուք ընդ Էլքսինեանն Պոմոռոս 'ի Բիւզանդիոն, ուր և ժամանեցին ողջամբ 'ի 16 Յուլիսի։